

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,
NAUKE, MLADIH, KULTURE I SPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu člana 9. Zakona o kantonalnim ministarstvima i drugim tijelima kantonalne uprave („Službene novine Srednjobosanskog kantona“, broj: 8/03 i 14/03), te člana 3. Odluke o kriterijima, načinu i postupku raspodjele sredstava za projekte iz oblasti informisanja broj 01-11.7-158/2020 od 21.02. 2020. godine i na osnovu Odluke Vlade Srednjobosanskog kantona o usvajanju programa utroška sredstava sa kriterijima raspodjele sredstava utvrđenih Budžetom Srednjobosanskog kantona za 2020. godinu Ministarstva obrazovanja, nauke, mladih, kulture i sporta – za oblast informisanja, broj 01-11.7-158/2020 od 21.02.2020. godine, Ministarstvo obrazovanja, nauke, mladih, kulture i sporta objavljuje

JAVNI POZIV

ZA ODABIR PROJEKTA KOJI ĆE SE SUFINANSIRATI IZ BUDŽETA SREDNJOBOSANSKOG KANTONA ZA OBLAST INFORMISANJA U 2020. GODINI

I. PREDMET POZIVA

Predmet ovog poziva je prikupljanje prijava za projekte iz oblasti informisanja utvrđenih Budžetom Srednjobosanskog kantona za 2020. godinu („Službene novine Srednjobosanskog kantona“, broj 01/20) sa pozicija:

- Subvencije javnim preduzećima - za informisanje;
- Subvencije privatnim preduzećima i poduzetnicima - za informisanje.

Program o utrošku sredstava sa kriterijima raspodjele sredstva utvrđenih Budžetom Srednjobosanskog kantona za 2020. godinu usvojila je Vlada SBK na 35. sjednici održanoj 20.02.2020. godine Odlukom broj 01-11.7-158/2020.

II. PRAVO UČEŠĆA

Pravo podnošenja prijava na ovaj poziv imaju javna i privatna preduzeća i poduzetnici, neprofitne organizacije – udruženja i pojedinci koji se bave informisanjem građana putem televizije, radija, portala i drugih oblika informisanja koji djeluju na području Srednjobosanskog kantona i koji su opravdali dodijeljena sredstva iz prethodne godine u skladu sa potpisanim Ugovorom o namjenskom utrošku dodijeljenih sredstava.

III. POTREBNA DOKUMENTACIJA

Svi zainteresovani obavezni su podnijeti sljedeću dokumentaciju:

- a) Popunjen prijavni obrazac (preuzeti sa web stranice Ministarstva);
- b) Rješenje o registraciji od nadležnog suda (*pravna lica*) ili Rješenje o upisu u Registar udruženja Ministarstva pravosuđa i uprave SBK (*udruženja građana*) ili lična karta (*pojedinaac*);
- c) Uvjerenje o poreznoj registraciji - identifikacijski broj;
- d) Transakcijski račun (potvrda banke iz koje je vidljiv broj računa i da je račun korisnika aktivan, ne stariju od tri mjeseca);
- e) Finansijski plan projekta.

Napomena:

Potrebna dokumentacija treba biti original ili ovjerena kopija.

Dokumentacija treba biti prikladno uvezana u cjelinu logičkim redom prema popisu potrebne dokumentacije.

Prijedlog raspodjele sredstava izvršit će komisija na osnovu propisanih kriterija i isti dostaviti na uvid ministru. Konačnu Odluku o raspodjeli sredstava donosi Vlada SBK-a na prijedlog Ministarstva i ista će biti objavljena u Službenim novinama Srednjobosanskog kantona.

Korisnici kojima budu dodijeljena sredstva podnose Ministarstvu finansijski izvještaj o realizaciji projekta, najkasnije do kraja februara naredne godine.

Podnosilac je obavezan na poslovanje bezgotovinskim isplatama i to:

1. sve obaveze za obavljanje usluge isplaćuju se na žiro-račun dobavljača;
2. oporezive isplate isplaćuju se na žiro-račun (ugovori o djelu ili autorski honorari za koje su plaćeni zakonom propisani doprinosi te porezi).

IV. PREUZIMANJE DOKUMENTACIJE

Svi podnosioci zahtjeva prijavnu dokumentaciju mogu preuzeti u elektronskom obliku na web stranici – www.mozks-ksb.ba.

V. NAČIN PRIJAVE

Prijave se dostavljaju, u zatvorenoj koverti, na protokol Vlade SBK-a ili putem pošte na adresu:

**Srednjobosanski kanton
Ministarstvo obrazovanja, nauke, mladih, kulture i sporta
Travnik
Stanična 43.
72270 Travnik**

Na koverti obavezno naznačiti **prijava na:**

**„Javni poziv za odabir projekta koji će se sufinansirati iz Budžeta
Srednjobosanskog kantona za oblast informisanja“
„NE OTVARATI“**

Na poledini koverte obavezno napisati naziv i adresu podnosioca prijave.

Rok za dostavljanje prijave je 30 (trideset) dana od dana objavljivanja ovog poziva na stranici www.mozks-ksb.ba.

Projekti primljeni nakon isteka roka neće biti razmatrani.

VI. POTPISIVANJE UGOVORA O NAMJENSKOM UTROŠKU DODIJELJENIH SREDSTAVA

Sredstva osigurana u Budžetu, u skladu sa Odlukom Vlade Srednjobosanskog kantona, će se doznačiti na žiro-račun korisnika, na način utvrđen Ugovorom o namjenskom utrošku dodijeljenih sredstava.

VII. TROŠKOVI PROJEKTA

U postupku ovog poziva Ministarstvo ne snosi nikakve troškove učesnicima, te zadržava pravo da projekat prihvati u potpunosti, djelimično ili ga u potpunosti odbije, poništi javni poziv ili odbaci sve projekte u bilo koje vrijeme.

Ministarstvo neće snositi nikakvu odgovornost prema učesnicima poziva, niti je obavezno objasniti razloge takve odluke. Dostavljena dokumentacija po javnom pozivu neće se vraćati.

Broj: 04-11-492/2020
Travnik, 18. 6. 2020.



MINISTAR

Bojan Domić
Bojan Domić